

**Uunga siunnersuut: Tapersiissutitalimmik inissialiortiternermut
taarsigassarsititsisarneq pillugu Inatsisartut inatsisaat nr. xx, xx. xxx 2019-imeersoq**

(Ineqarnermut Attaveqarnermullu Naalakkersuisoq)

pillugu

Sanaartornermut Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Anders Olsen, Siumut, siulittaasoq
Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia
Inatsisartunut ilaasortaq Nikkulaat Jeremiassen, Siumut
Inatsisartunut ilaasortaq Justus Hansen, Demokratit
Inatsisartunut ilaasortaq Pele Broberg, Partii Naleraq

UKA 2019-imi ulloq 1. oktober 2019 siullermeerinninnerup kingorna ataatsimiititaliap siunnersuut misissorpaa.

1. Siunnersuutip imarisaa siunertaalu

Naalakkersuisut inissianik sanaartornermut, pisinermit, iluarsaassinermut, alliliinermut pitsanngorsaaneermullu nutaanik taarsigassarsitsisarunnaarnissaat inatsisissatut siunnersuutikkut matumuunakkut siunnersuutigineqarpoq. Inatsisissatut siunnersuut taarsigassarsianik ingerlasunik, inissialiortiternermut tapersiissuteqartarneq pillugu inatsisaasimasut naapertorlugit taarsigassarsiaritinneqartunik aqutsinerup ingerlaannarnissaanut inatsisitigut sinaakkusiissaaq. Taamaaliornikkut piginnittut nikinneranni kiisalu taarsigassarsianik allangortitsinermi, nuussinermi, akilersuiunnaarallarnermi isumakkeerinninnermilu maanna taarsigassarsialinnut ikiuunnissamut Naalakkersuisut periarfissaqalissapput.

Taarsigassarsianik ernialinnik siusinaarluni akiliisinnaanissamut kiisalu nammineerluni illulianut illunullu sanaqataaffiusunut taarsigassarsiat erniaqanngitsut akilersugassaanngitsullu nalikilliliiffiginissaannut piffissarititaasup sivikillineqarnissaanut periarfissiinissaq inatsisissatut siunnersuutikkut siunnersuutigineqarpoq.

2. Tusarniaanermut akissutit

Tusarniaanermut akissutit inatsisissatut siunnersuummut ilanngunneqarsimapput, tamannalu ilusiliinissamut Inatsisartut Siulittaasoqarfiannit piumasarineqartunut naapertuuppoq. Tamannali tusarniaanermut atortussat kalaallisuanut atuutinngitsoq ataatsimiititaliamit oqaatigineqassaaq. Ilusiliinissamut piumasagaatit Inatsisartut Siulittaasoqarfiannit aalajangersarneqartut naapertorlugit tusarniaanermut akissutit danskisut kalaallisullu pigineqarnissaat aammalu inatsisissatut siunnersuummut, Inatsisartunit suliarineqartussanngorlugu tunniunneqartumut, ilanngunneqartussaammata ataatsimiititaliap Naalakkersuisunut eqqaasitsissutigissavaa.

Tusarniaaffigineqartut apeqqutaat oqaaseqaataallu tamarmiunngitsut Naalakkersuisunit isummerfigineqarsimasut ataatsimiititaliamit maluginiarneqarpoq. Tusarniaanerilli siunertaat tassarpiaavoq tusarniaaffigineqartut ataasiakkaat inatsisissatut siunnersuummut atatillugu maluginiagaasa Naalakkersuisunit isummerfigineqarnissaat. Tusarniaanermut akissutit ataasiakkaat oqaaseqarfiginissaannut Naalakkersuisut piffissamik atuinissaat ataatsimiititaliamit pingaartinneqarpoq.

3. Ineqarnermut Attaveqarnermullu Naalakkersuisup ilisimatitsiffiusumik ataatsimeeqatiginera

Immikkoortoq 140 aamma 141 pillugit Ineqarnermut Attaveqarnermullu Naalakkersuisumi ilisimatitsiffiusumik ulloq 11. oktober 2019-imi ataatsimiinnermi ataatsimiititaliaq peqataavoq, tassani inatsisissatut siunnersuummut sinaakkusiussat pingaarnerit saqqummiunneqarput.

4. Apeqqutit

Ataatsimiititaliap siunnersuummik suliarinninneranut atugassatut apeqqutit arlallit akissuteqarfigeqqullugit Ineqarnermut Attaveqarnermullu Naalakkersuisoq ataatsimiititaliamit qinnuigineqarpoq. Ataatsimiititaliap apeqqutaasa Naalakkersuisullu akissutaasa assilinerat isumaliutissiisummut matumunnga ilanngussaq 1-itut ilanngussaq 2-tullu ilanngunneqarput.

5. Ataatsimiititaliap siunnersuummik suliarinninnera

Siunnersuut siullermeerinninnermi partiinit tamangajannit taparserneqarpoq.

Sillimmasiisarfik illumi ikuallattoornissamut sillimmasiiffiusoq sallunaveeqqusiiffigineqarnissamut inatsisissatut siunnersuummi pisinnaatitaaffilerneqartoq ataatsimiititaliap maluginiarpa. Inatsisitigut illersugaanissaq pissutigalugu sallunaveeqqusiiffigineqarnissamut pisinnaatitaaffiliineq aallaavittut isigalugu pisortanut oqartussanut taamaallaat tunniunneqartariaqarmat¹, sillimmasiisarfiit illumi ikuallattoornissamut sillimmasiiffiusut taamatut periarfissinneqarnerannut tungavilersuutiminnik Naalakkersuisut inatsisissatut siunnersuutip aappassaaneerneqarneranut itisiliinissaat ataatsimiititaliamit kissaatigineqarpoq.

¹ <https://lovkvalitet.dk/lovkvalitetsvejledningen/3-retlige-graenser-og-almindelige-principper/3-2-almindelige-retsprincipper/3-2-4-udpantningsret>

Aningaasanut inatsimmi konto pingaarnermut 20.30.07-imi, ineqarnermut tapersiissuteqartarnermi ernianut akilersuutinullu ilanngaaseriikkanut tunngasumi, oqaasertaliusseq nr. 2-p inatsisissatut siunnersuummut nuunneqarnissaanik Naalakkersuisut aalajangernerat ataatsimiititaliamit pitsaasutut isigineqarpoq. Taamatutaaq ataatsimiititaliap allannguutigigitassatut kissaatigisai, UKA 2018-imi immikkoortoq 217-imut isumaliutissiisummi allaaserineqartut, Naalakkersuisut piviusunngortimmatigit ataatsimiititaliamit pitsaasutut isigineqarpoq.

5.1 Tusarniaanermut akissutit misissorneri

Tunisinermt atallugu inissiamik pitsanngorsaanermut akiliutit ”nerriviup ataatigut” akilerneqartalernissaat aarleqqutigineqarsinnaasoq INI A/S-ip oqaaseqaatimini eqqumaffigeqquaa. Taamaattumillu taamatut aarleqquteqarsinnaaneq inatsisissatut siunnersuutip aappassaaneerineqarneranut nassuiaatigeqqullugu Naalakkersuisut ataatsimiititaliamit kaammattorneqarput.

Piffissap nalikilliliiffiusussap ukiunit 33-nit 20-nut sivikillineqarneranut suut tunngaviunersut isumaliutigeqqullugu Aningaasaqarnermut Naalakkersuisoqarfiup Naalakkersuisunut kaammattuutigigaa ataatsimiititaliamit oqaatigineqassaaq. Isumaliutit taakku aappassaaneerinninnermi saqqummiunneqarnissaanik ataatsimiititaliap Naalakkersuisut kaammattorpai.

Kommuninut tunniussinnermi aningaasat inissialiornissamut immikkoortinneqartut siunertamut atorneqartassanersut pillugit SIK-p isumakulunnera ataatsimiititaliamit paasilluarneqarmat oqaatigineqassaaq.

5.2 Taarsigassarsianik aqutseriaaseq:

Ataatsimiititaliap inatsisissatut siunnersuummik suliarinninnermini Naalakkersuisunut apeqqutinik nassuissivoq, tassa piginnittut nikinneranni akiliutissat aammalu immikkut ittumik akiliutissat taarsigassarsianik aqutseriaatsimit suliarineqarsinnaannginnerannik INI A/S-ip oqaaseqaatai Naalakkersuisunit isummerfigineqarsimannginnerat ataatsimiititaliamit paasineqarmat.

Taamatutaaq taarsigassarsianut ernialersugaanngitsunut akilersugassaanngitsunullu piffissap nalikilliliiffiusartup allanngortinneqarnera nukissanik annertunerusumik atuiffiusasooq, taamaalillunilu taarsigassarsianik aqutseriaatsip ineriartortinneqarnissaa imaluunniit taarsigassarsiat taarsigassarsianik aqutseriaatsimi aqutsivigineqartut allanngortinneqartariaqarnerat naatsorsuutigineqartariaqartoq Aningaasaqarnermut Naalakkersuisoqarfimmit eqqumaffigeqquneqarpoq.

Aqutseriaatsimik allannguisinnaaneq aningaasaqarnikkut taamatullu allaffissornikkut kinguneqarsinnaammat tamatuma paasinarsisinnissaa ataatsimiititaliamit pingaaruteqartutut

isigineqarpoq.

Piginnittut nikinneranni akiliutissat aammalu immikkut ittumik akiliutissat Namminersorlutik Oqartussat naatsorsuuserinermi aqutseriaasianit aqunneqareersut taarsigassarsianik aqutseriaaseq pillugu apeqqutitut akissutini nassiunneqartuni Naalakkersuisut paasissutissiissutigaa. Tamanna pillugu INI A/S-ip aammalu Aningaasaqarnermut Naalakkersuisoqarfiup tusarniaanermut akissummi oqaaseqaataannut akerliuvoq. Oqaatigineqartut taakku marluk taama annertutigisumik imminnut naapertuutinnginnerat ataatsimiititaliamit eqqarsarnartoqartinneqarpoq.

Piginnittut nikinneranni akiliutissat aammalu immikkut ittumik akiliutissat taarsigassarsianik aqutseriaatsimit aqunneqarsinnaanerat, taamaalillutillu aningaasartuuteqarnerunermik nassataqassannginnerat, aappassaaneerinninnermut akissuteqaamminni uppernarsaqqullugu Naalakkersuisut ataatsimiititaliamit kaammattorneqarput.


6. Siunnersuutip aningaasaqarnikkut kingunerisassai

Siunnersuutip piviusunngortinneqarnerani aningaasatigut kingunerisassai siunnersuummut nalinginnaasumik nassuiaatini allaaserineqarput. Tassani allassimavoq inatsisissatut siunnersuut pisortanut aningaasaqarnikkut annertuumik kinguneqartussatut naatsorsuutigineqanngitsoq. INI A/S-imit aammalu Aningaasaqarnermut Naalakkersuisoqarfimmit apeqquserneqarmat, taarsigassarsianik aqutsinermik ingerlatseriaaseq isumagisinnaappagu Naalakkersuisut akissuteqaataat ataatsimiititaliamit akuersaarneqarsinnaavoq.

7. Ataatsimiititaliap inassuteqaatai

Ataatsimiititaliap isumaqatigiittup inatsisissatut siunnersuutip akuersissutigineqarnissaa inassutigaa.


Taama oqaaseqarluni isumaliutissiissummilu allassimasunik oqaaseqaateqarluni ataatsimiititaliap siunnersuut aappasaaniigassanngortippaa.



Anders Olsen
Siulittaasoq




Aqqaluaq B. Egede
Siulittaasup tullia




Nikkulaat Jeremiassen



Justus Hansen



Pele Broberg



INATSISARTUT

Ineqarnermut attaveqaqatigiinnermullu
Naalackersuisoq

Ulloq: 12-11-2019
J.nr.: 01.37.01.03-00147

Immikkoortoq 141 Tapiissutitalinnik inissialiortitsinermit taarsigassarsisitsisarnermut tunngatillugu apeqqutit

UKA2019/141-p Inatsisartunit siullermeernerani immikkoortoq Sanaartornermut Ataatsimiititaliamut innersuunneqarpoq. Tapiissutitalinnik inissialiortitsinermit taarsigassarsisitsisarnermut siunnersuutip uuma suliarineranut atatillugu ataatsimiititaliap tusarniaanermut akissutitut tunngassutilinnik arlalinnik siunnersuutilu aningaasaqarnermut kingunerisassai pillugit apeqquteqarnissani siunertamut tulluuttuutippaa.

Taarsigassarsianik ingerlatsinermit aqutsissut:

Inatsisissatut siunnersuummut immikkoortoq 141-mut tunngatillugu tusarniaanermut INI A/S-imiit taarsigassarsianik ingerlatsinermit aqutsissut pillugu oqaaseqaatinik tigusaqartoqarpoq.

Oqaaseqaatit taakkua Ineqarnermut attaveqaqatigiinnermullu Naalackersuisumit isummerfigineqarsimanngillat, taamaammat taarsigassarsianik ingerlatsinermit aqutsissut pillugu ataatsimiititaliap apeqquteqarnissani pisariaqartippaa:

1. Taarsigassarsianik ingerlatsinermit aqutsissut maannakkut atorpeqartup piginnittup nikinneranni akiliutissat isumagisinnaavai?
 - 1.1 Naalackersuisut qinnuigineqassapput ingerlatsinermit aqutsissutip tamanna ingerlassinnaappagu qanoq iliorluni tamanna aqussinnaaneraa ilisimatitsissutigeqqullugu.
 - 1.2 Aqutsissutip taarsigassarsianik ingerlatsinermit aqutsissutip maannakkut atorpeqartup piginnittup nikinneranni akiliutissat isumagisinnaanngippagit, Naalackersuisut ingerlatsinermit aqutsissutip allanngortinnissaanut qanoq aningaasalersuissamaapat?
 - 1.3 ingerlatsinermit Aqutsissutip taarsigassarsianik aqutsissut piginnittut nikinnerannik isumaginnissinnaasunngortinnissaanut allanngineq taanna qanoq naleqassava?
- 2 Taarsigassarsianik ingerlatsinermit aqutsissutip maannakkut atorpeqartup immikkut ittumik akilersuisarneq isumagisinnaavaa?

- 2.1 Naalakkersuisut qinnuigineqassapput ingerlatsinermi aqutsissutip tamanna ingerlassinnaappagu qanoq iliurluni taarsigassarsianik ingerlatsinermi aqutsissutip aqussinnaanera ilisimatitsissutigeqqullugu.
- 2.2 Ingerlatsinermi aqutsissutip taarsigassarsianik immikkut ittumik akilersuisarneq isumagisinnaanngippagu, Naalakkersuisut ingerlatsinermik aqutsissutip allanngortinnissaanut qanoq aningaasalersuissamaarpa?
- 2.3 Taarsigassarsianik ingerlatsinermi aqutsissutip immikkut ittumik akilersuisarnermik isumaginnissinnaasunngortinnissaa pillugu allanngueq taanna qanoq naleqassava?

Sanaartornermut Ataatsimiititaliaq sinnerlugu

Inussiarnersumik
inuulluaqqusillunga



Anders Olsen

Ataatsimiititaliami Siulittaasoq



Inatsisartut Sanaartornermut Ataatsimiititaliaat
Att. Ataatsimiititaliap siulittaasua Anders Olsen

**Sanaartornermut Ataatsimiititaliamiit UKA2019/141-mut apeqquaqqaammut
akissut**

15-11-2019
Sulliaq nr.: 2018 - 8317
Id nr. 46669491

Naalakkersuisuniit Inatsisartut Sanaartornermut Ataatsimiititaliaat UKA2019/141-mut paasiniaaffiusumik apeqquaqqaateqarneranut qutsavigaarput. Apeqquqtit matuma kinguliani allanneqarput. Kisiannili erseqqissaatigineqassaaq apeqquqtit ataatsimoortillugit matuma kinguliani akineqarmata.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

**Apeqquq 1: Taarsigassarsianik ingerlatsinermi aqutsissutip maannakkut
atorneqartup piginnittup nikinneranni akiliutissat isumagisinnaavai?**

- 1.1 Naalakkersuisut qinnuigineqassapput ingerlatsinermi aqutsissutip tamanna ingerlassinnaappagu qanoq iliorluni tamanna aqussinnaaneraa ilisimatitsissutigeqqullugu.**
- 1.2 Aqutsissutip taarsigassarsianik ingerlatsinermi aqutsissutip maannakkut atorneqartup piginnittup nikinneranni akiliutissat isumagisinnaanngippagit, Naalakkersuisut ingerlatsinermi aqutsissutip allannngortinnissaanut qanoq aningaasalersuissamaarpat?**
- 1.3 Ingerlatsinermi aqutsissutip taarsigassarsianik aqutsissut piginnittup nikinnerannik isumaginnissinnaasunnngortinnissaanut allannguineq taanna qanoq naleqassava?**

**Apeqquq 2: Taarsigassarsianik ingerlatsinermi aqutsissutip maannakkut
atorneqartup immikkut ittumik akilersuisarneq isumagisinnaavaa?**

- 2.1 Naalakkersuisut qinnuigineqassapput ingerlatsinermi aqutsissutip tamanna ingerlassinnaappagu qanoq iliorluni taarsigassarsianik ingerlatsinermi aqutsissutip aqussinnaanera ilisimatitsissutigeqqullugu.**
- 2.2 Ingerlatsinermi aqutsissutip taarsigassarsianik immikkut ittumik akilersuisarneq isumagisinnaanngippagu, Naalakkersuisut ingerlatsinermik aqutsissutip allannngortinnissaanut qanoq aningaasalersuissamaarpa?**
- 2.3 Taarsigassarsianik ingerlatsinermi aqutsissutip immikkut ittumik akilersuisarnermik isumaginnissinnaasunnngortinnissaa pillugu allannguineq taanna qanoq naleqassava?**

Akissut: Namminersorlutik Oqartussat naatsorsuuserissutaanni taarsigassarsinermi suliat assigiinngitsut arlallit isumagineqareerput. Taarsigassarsinermi suliat assigiinngitsut tassaasinnaapput (tamakkiisuunngillat):

- Piginneqatigiilluni inissianut taarsigassarsiat
- Piginneqatigiilluni inissianiit inissianut nammineq pigisanut allannguinerit
- Inissianut neriorsuutit
- "Attartortumiit piginnittumut" sulianut atatillugu taarsigassarsititsinerit assigiinngitsut, taakkununga akilersuineri suliat ilaatinneqarput
- Tapersiissutitalimmik inissialiortiternermut taarsigassarsiat, aamma
- Nammineerluni illulianut aamma illunut sanaqateqarfiusunut taarsigassarsiat akilersuutitallit akilersuutitaqanngitsullu

Taakku saniatigut naatsorsuuserissummi akiligassallit nikinneri aamma taarsigassarsianik siusinaarluni akiliinerit isumagineqarput, taakkunungalu immikkut ittumik akiliutit ilaatinneqarput. Piginnittut nikinneri akiitsullit nikinnerisa ataanni immikkut ittumik akiliutit isigineqaannartussaapput.

Namminersorlutik Oqartussat naatsorsuuserissutaanni piginnittut nikinnerini akiliutit kiisalu piginnittut nikinnerini immikkut ittumik akiliutit isumagineqarsinnaareerput.

Taamatutaaq ilisimatitsissutigineqarsinnaavoq, Namminersorlutik Oqartussat naatsorsuuserissutaanni inatsisit atuuttut naapertorlugit taarsigassarsianik allannguinerit, nuussinerit isumakkeerinninnerillu isumagineqarsinnaareermata.

Tamatuma saniatigut aamma pisortanut aningaasatigut kingunerisinnaasanut immikkoortup ataani allaaserineqareersutut ilisimatitsissutigineqarsinnaavoq, siunnersuutit atuutilerneratigut Namminersorlutik Oqartussat ukununga nutaanik taarsigassarsititsisinnajunnaartussaammata tapiisinnajunnaartussaallutillu: inissianik sananermut, pisinermut, iluarsaassinermut, taamatutaaq inissianik alliliinermut pitsannorsaananermullu.

Taarsigassarsiasatut aningaasaliissutit tamarmiusut ikiliartornerat malillugu Namminersorlutik Oqartussanut akilikkat ikiliartortussaapput.

Siunnersuutit allaffissornikkut oqilisaaffiusinnaanissaa, aammalu INI A/S-ip tapersiissutitalimmik inissialiortiternermik aqutsineranut akiliutit ikilisinneqarsinnaanissaat naatsorsuutigineqarpoq.

Inussiarnersumik inuulluaqqusillunga


Karl Frederik Danielsen